



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Collegiis Canonicoꝝ Per Germaniam, Belgivm,  
Galliam, Hispaniam, Italiam, Aliasqve Orbis Christiani  
Prouincias, Liber Singvlaris**

**Le Mire, Aubert**

**Coloniae Agrippinae, 1615**

Capvt LXXXIX. Beatæ Mariæ Collegivm Teneramundanum, in Flandria.

**urn:nbn:de:hbz:466:1-11227**



Episcopus Curiensis. Ex Episcopatu illo per Hermannum Saxonum Ducem, post Rudolphum ab Episcopis quibusdam in Imperatorem electum, anno Domini millesimo octagesimo quinto deturbatus monasterium Hainbacense suo ære ædificas ibidem mortuus est, anno millesimo octagesimo septimo. Pater huius Episcopi *Rapoto*, mater *Hemma*, frater *Ortolphus*, soror *Viltruda*, fundatores Hochévvertensis monasterij fuere.

## CAPVT LXXXIX.

## BEATÆ MARIAE COLLEGIVM

*Teneramundanum, in Flandria.*

**I**N opido Teneramundano, ad Scaldim fluvium in Flandria sito, vnica olim erat ante prolationem pomerij parœcia, quæ etiam nunc, totum penè oppidum complectitur, titulo Beatæ Mariæ, Deo sacra. Vetus hic templum ante Normannorum tempora structû hinc apparet; quod illis omnia populantibus, ciues huius vrbis, Dickehuëna translatas *Hilduardi & Christianæ* reliquias hic condidisse memorantur. Factum id putem circa annum octingentesimû quadragesimû sextum, quo barbaræ gêtis metu, Gandauo èt *Bauonis*, & *Pharaldis* reliquias, aliò in tutum delatas, Meyerus tradit. Superfunt autem adhuc eæ reliquiæ, & magna popularium religione asseruâtur. Fuit Hilduardus Tullensium Episcopus: de quo

ex



ex Teneræmondēsi martyrologio ita Molanus: *Ad septimum Idus Septembris, in ciuitate Teneræmonda, Beati Hilduardi Episcopi & confessoris, qui sub Duce Magryptio, primò diuersis tormentorū cruciatib. affectus; sed fidei cōstātia in aduersis, velut in prosperis letus, fidelem Populum ad agnitionem veritatis admonuit, fidemq; Catholicam constantissimè predicauit. Tandem ipse Magryptium opposito veritatis speculo ita deuicit, vt abiecto incredulitatis erroneo, Iesum Christam Dei filium assereret; & se suosq; velle baptizari acclamaret. Quo facto vir Dei Dikeluenna Oratorium exstruxit, in quo post huius labilis vitæ decessum, glorioso fine quieuit. De quo loco viri Teneræmonenses veneranda eius ossa omni virtute famata, inuenerunt, atque cum summo exultationis iubilo Teneræmonda transfulerunt. De Christiana verò in eodem martyrologio exstant hæc, ad diem septimum Idus Septembris. Item eodem die apud Teneræmondam aduentus corporis Beatæ Christianæ Virginis. Et iterum ad diem V I I. Kalendas Augusti: In ciuitate Teneræmonda, B. Christianæ Virginis, quæ Regis Anglorum Migranimi filia vnica erga Deos suos & idola, secundum patrum suorum traditionem, exstitit deuotissima. Hanc omnipotens Deus sibi dignam aspiciens, de cælo illi Angelum sub specie pauperis transmisit, qui eam catechizauit, atque in Christi nomine baptizari precepit: cuius etiam ductu Dikeluenna peruenit. De hac plura Molanus ad 26. Iulij. Enimvero multò post tempore, Ringo-*



Ringofus  
caluus  
fundator.

tus Dynasta dictum templum à Normānis fe-  
datum instaurasse creditur. Quocirca eius Cō-  
ditor in sepulchrali inscriptione dicitur. Itidē  
in huius Eccl. obituariō, vbi hæc verba: *Anno*  
*gratie c. D. C. V. I. obiit Ringotus Caluus, funda-*  
*tor huius Ecclesie.* Nisi quis de Canonicatū in-  
stitutione id intelligat: qua notione nomen il-  
lud Ecclesie in Diplomātibus nō infrequens.  
vt autem hic antea nullum templum fuerit,  
non est credibile. Idem sex inibi Canonicatus  
fūdauit; adsignatis datisq; ad id *allodij de VVin-*  
*sa, Morsela, & Gheuerghē, in campis, siluis, & pra-*  
*ris.* Huius foundationis confirmationem impe-  
trauit *Adelvvidis* Ringoti vidua, ab *Odardo*  
*XXXVI.* Cameraceniū Præfule; quem *Odo-*  
*nē* Masseus vocat & Abbatē ante Tornacēsem  
fuisse, virumque egregiē doctum asseuerat.  
Diplomatis hæc est series:

*In nomine Sanctæ & Indiuiduæ Trinitatis amen.*  
*Odardus per gratiã Dei Episcopus Cameracensis, pro*  
*salute anime meæ, meorumq; prædecessorū, pro ma-*  
*gna Ecclesie deuotione dominæ Adelvvidis, venerabi-*  
*lis vxoris Remigij Teneramōdani, & omnimoda sup-*  
*plicatione Canonicorū Teneramondensium, eos ab om-*  
*ni persona, omniq; laica vexatione, auctoritate Dei*  
*& nostra emācipamus: & Canonicis eius Ecclesie ca-*  
*nonicã libertatē assignamus, concedentes vt decanus,*  
*qui Canonicorū ibidē Deo famulantiū curã habue-*  
*rit, in Eccl. malefactores excōmunicandi potestatem*  
*habeat. Sic tamen vt eadē Eccl. pro libertatis memo-*



riatres Teneramondēsis moneta solidos Decano Bru-  
 xellensi ad vsus nostros, singulis annis persoluat. Duo  
 Ecclesia altaria de Opvvyck, & Lebbeke Ecclesie Te-  
 neramondensis, s. scilicet Trinitatis, & S. Christia-  
 na solummodo ad aedificia siue ornamenta Ecclesie  
 retinēda, libera canonicè tradidi: in quibus saluis no-  
 stris redditibus pontificalibus, presbyteri per Decanum  
 & Canonicos statuuntur: & ipsi nobis, vel ministris  
 nostris ad curam suscipiendam presententur. Præ-  
 fata quoque Ecclesie allodia de VVinsia in campis,  
 in siluis, in pratis; de Morfele, in campis, in sil-  
 uis, in pratis; de Gheuerghem, in campis, in sil-  
 uis, in pratis; cum omni iustitia terræ & silvæ li-  
 berè & integrè confirmamus; solis Canonorum  
 vsibus profutura. Præterea quacunque, à quibus-  
 cunque in terris, in siluis, in pratis, seu in alijs pos-  
 sessionibus præfate Ecclesie oblata sunt, vel in  
 posterum offerri contigerit; modis omnibus, ad Ca-  
 nonorum vsus permanere ac conseruari decerni-  
 mus. quæ bona ne tradantur obliuioni, nostri si-  
 gilli imaginatione signamus. Et ne ab aliquo vio-  
 lentur, auctoritate Dei & nostra sub anathemate  
 prohibemus. Huius confirmationis testes sunt, si-  
 gnum Rodolphi, Archidiaconi, Sancti Anselmi, Ar-  
 chidiaconi, Sancti Euerardi, Archidiaconi, Sancti  
 Sigardi, Decani, Sancti Lamberti, Sancti Subde-  
 cani Sancti Lamberti, Sancta Maria Canonici, San-  
 cti Gerardi Canonici, Sancti Maccellini Canonici.  
 Peractum hoc est anno Dominicæ incarnationis  
 millesimo decimo octauo, indictione prima.

præ-



*predicti Episcopi anno III. Salus & gloria omnibus Christianis.*

Post Ringotum Guilielmus aduocatus Atrebatensis Bethuniæ & Teneramundæ dominus eiusque coniux *Machtildis* varias decimas Eccl. Teneramundanæ contulerūt: quam donationem rogatu *Machtildis* viduæ confirmavit Ioannes de Betunia Cameracensis Episcopus, frater Guilielmi Aduocati, vt ex diplomate constat, anno 1217. dato. Eadē *Machtildis* à morte mariti tres facellanas in totidē Canonicatus conuertit. Exstat ea de re diploma anno 1215 datum. Non multò post etiam aliæ Capellaniæ, quas *Machtildis* instituerat, in Canonicatus conuersæ sunt à *Roberto* filio, vt creditur: & sic ad duodecim præbendas numerus adauctus est: quarum omnium ius patronatus & collatio ad Flādriæ Comitem tāquam Teneramundæ Dominum spectat. Sic ferè David Lindanus libro secundo de Teneramunda capite secundo.

## CAPVT XC

SANCTI GUIDONIS COLLEGIVM  
*Anderlacense, in suburbano Bruxellensi, in Brabantia.*

**S**anctus Guido Cōfessor in pago Brabantensi tugurio rusticano, & paupere domo natus, oculis parentum fucabatur in primæua ætate certas horas, quibus Ecclesiam  
ora-